

"Cunjamatejj acapachanjja take cunas sarañaparuru sari, uqhamaraquiw ajayun leyinacajj utji, Diosan jac'apancañasataqui.

1. MAY İR LEY DIOSAJJ MUNTAMWA; UCATWA MN SUMA THAQUI WAQUICHI JACÑAMATAQUI.

(Aca folleton Bibliata uchatáqui ucanacasti, waquischi ucapachajja Bibliat leet'at'ñapawa).

DIOSAN MUNASIÑAPA:

"Diosajj aca mundor wal munatap laycuw mä sapa Yokapar qhitani, take qhitinacatejj Jupar creepqui ucanacajj jan chhakhañapataqui, jan ucasti wiñay jacañaniñapataqui" (S. Juan 3.16)

DIOSAN AMTÄWIPA:

(Cristojj siwa:) "Nayajj juttwa jacañaniñapataqui, uqhamarac jilarquir jacañaniñapataquiraqui" (Uca jacañasti phokhata, uqhamarac mä sapa ampañaniraqui). (S. Juan 10:10).

*Ucampis walja jakenacaw jan uca suma jacañ jicjitatapquiti.
¿Cunatraqui jan jicjitatapjapacha?*

2. PAYİR LEY

JAKEJJ JUCHARARAWA, DIOSATSA JAYANWA UÑJASI, UCATWA DIOSAN MUNASIÑAPA, AMTÄWIPSA JUPA PACH PATAC JAN UÑT'CASPATI.


JAKEJJ JUCHARARAWA:

Jakejj uchatawa Diosamp sumancañasataqui. Ucatsipan jakejj ampañaparjam luratap laycojja, jucha lurañ thacwa ajllisi. Ucatwa Diosamp sumancañapajj t'akjata. Amtañarjama sarnakañasti juc'a lurañansa, walja lurañansa Bibliajj khananchiwa juchätapa.

"Ucatsti jaken jucha lurapjatap laycusti Diosampejj janiw catokatäpquiti" (Romanos 3:23) "Maynitejj Diosan Take leyipar phokechi ucajja, ucampis mä mandamientoru jan phokccli ucajja, takpach mandamientona--catwa juchanchata". (Santiago 2:10).

JAKEJJA DIOSATJJA JITHEKATAWA:

"Juchan pagopasti jiwañequiwa... (Romanos 6:23)



Diosat jithekatajja acanacaw utji: Ilaquisiñanaca, colerasiñanaca, uqhamarac jan cuna amtäwini jacaña. Ucjjarusti jan wali lurañanacaw utjaraqui: jake jiwayaña, adulterio juchan sarnakaña, lunthatasiña,

c'arisña, yakhanacampi. Diosajj santowa, jakesti jucharara. Uca laycusti mä jach'a abismjamaw jalji. Jakesti quicpa luräwipampiw Diosarusa, suma jacaña jicjatañ muni ch'amap toke, uqhamarac cunay-man religionanac toke, jaken amuyt'anacap tokerahui, yakhanacampi.

Quimsir leyiqui ucaw jiwasar aca toket sum amuyt'ayistaspa,

3. QUIMSIR LEY

JESUCRISTO SAPA TOKEQUIW JAKEJJ DIOSAR JAC'ACHIASISPA. JUPANACWA DIOSAN MUNASIÑAPA, SUMA THAQUIPSA JICJJATASPA.


CRISTOW JIWASANAC LANTI JIWAYAYI:

"Ucamps Diosajj munasiñapwa ufacht'ayistu, cunapachatejj ji wasanacajj juchaniscäyätan ucapachaw Cristojj jiwasanac laycu jiwawayi" (Romanos 5:8)

"Cristo quipcaraquiw juchanacas laycojj t'akhesiwayejj jan mayampitaqui. Jupajj asqui jak'ñwa, ucamps jiwasan jan wal'itas laycuw t'akhesiwayejja, jiwasar Diosar irpañataqui..." (I Pedro 3:18)

CRISTO SAPAQUIW THAQUEJJA:

"Jesusajj saraqiuwa: Nayätwa thaquejja, chekasa, jacañasa. Na ya tokequiw Awquin ucar puriñajj utji" (S. Juan 14:6)



Diosajj passuniwa uca jach'a abismojj jiwasampi Jupampi Jaljquistäna uca, Jesucristo Yokapa toke jiwasanac lanti cruzan jiwatapampi.

Janiw aca leyinacacti uñt'añasäquejja, ni alek iyawsañaquisa...

4. PUSIR LEY

SAPA MAYNIW JESUCRISTORU TATITUSATA, KHESPIYIRISATA- CATOKAÑASA, UQHAM TOKETACWA UÑT'SNA, YATIRACSNA DIOSAN MUNASIÑAPA, UQHAMARAC DIOSAN AMTÄWIPA JIWASAN JACAÑASATAQUI.

CRISTOROJJ CATOKAÑASAWA:

"Ucamps Jupar catokapqui iyawsapcaraqui ucanacarusti, muna ñaniñwa churi Diosan wawanacapa tucupjjañapataqui" (S. Juan 1:12) Cristor catokañasti ajay token naciñawa (S. Juan 3:1-8)

CRISTOROJJ IYAWSAÑ TCKEW CATOKAÑA:

"Diosan munasiñapatwa jumanacajj khespiyatäpjtajja iyaw'sañ laycu. Acasti janiw jumanacan laräwinacamäquiti, jan ucasti Diosaw jumanacaru churapjijam. Janiraquiw cuna luräw tok'quisa, uqhamat jan qhitis jach'achasiscañapataqui" (Efesios 2:8,9)

CRISTOROJJ CATOKTANWA JUPAN JIWASAR INVITATAP TOKE

(Cristojj jumarojj invittamwa) "Acajjay Nayajj puncuncasctwa, lek'escaractwa. Maynitejj arojj ist'asin jist'aritanajja, Nayajj jupan ucaruw mantä..." (Apocalipsis 3:20) Cristor Catokañasti Diosar Cutcatjjañawa, Cristor confiasisa Jupajj jacañasar mantasinjja juchanacas perdonañapataqui, uqhamarac Jupajj munañaparjam jiwasanacar apnakañapataqui. Janiw alek patjja chuymampi iyawsaña yatiñäquiti, jan ucasti chuyma mankhetawa.


Aca pä toketsti amuyt'añäniwa pä casta jacäwinacata:

NAYAN APNAKAT JAKE

NAYA ucaw chuyman

Cristojj janiw jaken
chuymapancquiti.

Naya ucampi apnakatasti
take amtäwinacajj ina
quitthapitaquiwa.



CRISTON APNAKAT
JAKE

Cristow chuymancjje
reinasqui

Take luräwinacajj wiñay
Diosan apnakatawa,
ucatsti takes
chekaparuw sari.

Naya ucasti janiw
chuymancjjetti
apnakañataqui.

¿Cawquiiris juman jacäwimataquejj walispajja?

JUMAJJ JICHPACHAW CATOKASMA ORACION TOKE. (Oraciön Sañ muni Diosampi parlaña)

Diosajj chuymamajja uñt'iwa ucatsti janiw ancha munquiti juman arunacamajja, jan ucasti cunjam
chuymamajja ucwa muni. Waquisispawa aca aynachancqui uca oracionar uñtatjama oraciön luraña.

"Tatit Jesucristo nayajj munsmawa. Nayajj chuymajjwa jist'arsma, ucatsti catokcsmawa nayan Khespiyir
Tatittojata. Yuspagarsmawa jucha-Jumajj munañarmar tucuyasijeta"

Aca oraciönjja ¿chuymaman munañaparjamati arstajja?

Uqhamächi ucajja, aca oraciön jichpach luram, ucatsti Cristojj jacañamaruw jutani, cunjamati Jupajj
arsuwayqui uqhamaru phokhasina.

CUNJAMATSA YATISMA CRTSTOJJ CHEKPACHANA JUMAN JACATAPJJA:

¿Jumajj Cristoroyj invittajjaya chuymamar jutjañapataquejja? Criston arsutaparjama Apocalipsis 3:20
ucanjja Cristojj ¿chuymamanquiti janicha? Jupajj arsünwa chuymamar mantaña. ¿Jupajj engañiristanti?
¿Cunjamatsa jumajj yatisma Diosajj oracionamar contestatapjja? (Dios pachpan phokheritapana,
uqhamarac arunacapana).

BIBLIANJJA JICJJATASIWA WIÑAY JACAÑ CATOKANA, QHITINACATEJJ CRISTOR CATOKAPQUI UCANACANA:

"Aca khananchäwejja, Diosajj wiñay jacañ churistu ucawa: aca wiñay jacañasti Yokapanquiwa.
Qhitej Diosan Yokaparoj catokqui ucajja wiñay jacañaniwa (jichpacha); ucampis qhitej Diosan
Yokapar jan catokqui ucajj janiw wiñay jacañaniquiti. Acjja kellkanipjismawa Diosan Yokapar creepcta
ucanacaru, wiñay jacañanipjatam yatipjañamataqui".

AQHAMANAC LURASINWA MÄ CRISTIANOJJ JILTASPAJJA Ajay token jiltañasti Cristor confiasiñanwa utji.

"Qhitej Diosampi catokatäqui ucajja iyawsañ tokew jacani" (Gálatas 3:11). Iyawsañampi jacañanwa
ch'amanchätam juc'ampi sapa cuti Diosar confiasiña, take cunana jacañamana. Acana--cay luram:

Sapüru Diosampejj oracionaman parlasim (S. Juan 15:7)

Sapüruraqui Biblia leesina estudiam (Hechos 17:11) Kalltam Evangelio San Juan librompi.

Jacañamanjja Diosarupiniw take cunansa confiäta (I Pedro 5:7)

Criston Espiritupampi phokt'atämaya - Jumajj munapunim Jupajj juman jacañapa.

Mayninarusti Cristot parlam, uqhamarac jacäwimansa iyawsañama uñacht'ayam (S. Mateo 4:19; S.
Juan 15:8)

Diosarusti sapa horasanwa obedecita (S. Juan 14:21)

IGLESIAR SARAÑAJJ ASQUIWA

Biblianjja yatichistuwa (Hebreos 10:25) ucanjja aqhama: "Janiraquiw tantachasiwinacasat faltasiñasäquiti..." Cristianonacajj mä sanc'ar uñtataw naqhapije, cunapachatí mayar tantacht'asitápqui ucqhajja. Cunapachatí mä cristianojj tamat khepari ucqhajja, mä sapa sanc'ar uñtatjamaw jiwari. Jumatejj sapa cuti jan sarcäta iglesiar ucqhajja, jan suyamti maynin invitayasiña, jan ucasti juma pachpa luram. Jawsayam, jan ucajj saramsa visitiri Diosan sirviripan ucaru, cawquiri iglesiatejj jac'ancqui, ucan parlasi Cristota Jupar jach'achasina ucaru. Jichpach uqham lurañataqui amtasim, jutir domingo-ta kalltasina sapa semana sarañataqui.

¿Cristot uñt'atamatjja mayninacar parlañ muntati?

ACA FOLLETOJJ JUMAN AMUYT' ASINAMATAQUEJJ MÄ YANAPAWA

Aca costa folletonacajj: "Pusi leyinacjjata" ucajj millonanacaw laquinokata aca mundona walja casta parlanacata. Uqhamatjja walja waranka jakenacaw Diosar uñt'jjapije, yuspagartanwa Jesucristor mä sapa Yokapar regalo churatapata. Yatipjjaractwa, cunapachatí jakenacajj Diosar uñt'añat yatipje ucqhajja, waljaninacaw cristian'jjajña munapije.

Aca folletotejj jumar yanapstam Cristor uñt'aña ucajja, nanacajj invitapjismawa mä carta apayaniñama, cunjamasä machak jacañancjta Cristompejja uca yatiyasina. Ucatsti manacajj cusisit chuympiw jisc't'anacamar contestapjjäma, uqhamarac yatiyapjjäma walpacha cunjamsa ajay token jiltasma uca toketa. Bibliat estudiañataquisti walja libronacaw utji, uqhamarac cunjamsa mä cristianojj ajay token jiltaspa uca toketsa. Churañataquisti listoquiwa, cunapachatejj mayitani movimiento universitario "Alfa y Omega" acaru.

**ADDITIONAL
ASSISTANCE**